


35Frs.

KEJIKÓJÓ



Sokodé, 1992.

Kejiká-jó kutoluú.

Camanáa-wóró téesú wentí bánýáá tu síst; Dancóo né, tidaá ge Kejiká-jó nba waagálííná, belé bénzeé dikééníwá ge. Kúboní weení wéegé-dé we níbaáwu né, ulé ge bánýáá síst: Anya Samíre. Kúboní umú woogóni utála búv kúboŋgi nakúru-daá né, lááwu fáya ŋgi nakúru súwáa nna. Nge wooyó ki isúu idés kéreŋe. Nna ge iwe ge igoobiya woogóni bomooná yi.

Tóo, lááwu kím kúboní umú wooyó ki bilé né, domáa ányawá riké ge kidaá, amá, saáti wenkí wooyó ki né, belé badalá yi nabúru. Nna weeyéle igoobiya wenbá boogóni bomooná yi né, belé boogbóo yíde ánya bafa yi. Káma, baawíli síst: bsm bedés níbaadesró kés abaalú. Buroozí ge háli na sinje né, dom ánya waabísi Kejiká-jó nba-dés síwú nakúru. Káma, na sinje kina, a Kejiká-jó nba coóo, bannáa dom ánya ge ubóo bedés wúro-dés dugoré-dés koróo-daá, háli saáti wenkí buumóo yi né, na ití idés, amá, idánlam náaru nabúru. Biduná ge bándarú Kejiká-jó téesú bíya síst: Dikééní ánya bú.

Bánýáá Samíre jó né, Beenée téesú natúru-dés yíde nbilé. Doo bujoo caanawó né, a bigés lurúv coóna uró dóni, luzóo-daá ge bónbo-dé bakázulu lurúv. A bigés boogóni, nge baa-

lúru bulé bidés bú, a badafa yu lizóo kam kedés
yíds, bánvaa yu kedés téédu yíds. Le kúboní umó
weedi yíds susu: Samírs né nbulé.

Sáátu wenkí kúboní Anya Samírs umó we
búu-daá fína né, kiyaku féyí újò, kama bidés
sáátu né, iriké ge fína. Wánzú kiyaku né, ina
weení bánjám kú ku. Udés fíba koní bomooná yu
weeyéle waazú kiyaku bánjää kú susu: Kejiká,
aláhađi wírs nbulé. Kejiká wírs né, uráa tónbolí
foó, baa awení we daána ge bakpírú na balí kú-
yaku. Defes dafes bulé ge kúgóni kúbsi kiyaku
kúboŋgi. Uráa wángalú Agúlu-dés, Kpasúwa-dés
Agidáagba-dés ná Wasáaná-dés bŋngoní kiyaku kím,
nsbérs ulí, Sogodsyí bobó kú, Amá, sinje wírs
duna dŋ né, kiyaku kím kuzí, téédu taféyína
kiyaku dudo.

Wenbí biiyéle ge bánjää téédu susu: Kejiká-
-jŋ né ge susu: dŋo kúboní Anya Samírs waazú
kiyaku kinyanáa kejiká wírs né, bidés sáátu né,
a weení wéndésé níbááwú-daá fína ge si kuyu yu né,
nyánní susu: mŋndóózi mobó kejiká-jŋ fíní-dés
mođŋo. Kejiká-jŋ fíní-dés ge bujáj búbisi bán-
jää susu: Kejiká-jŋ hálu na sinje.

Kúbonáa beŋ beggés noódoozo ge baagágúrú
Dancóo né. Badaá kúboní woogóloo Agidáagba-dés,
lawotáa fíní ukédse kólináa, bulga né, newúu ge
Kejiká-jŋ fíní.

Kowurobóóni natúdoozo ge Kejiká-jó
téesi-daá.

1- Wúro Nyááwu-dées

2- Wúro Bodi-dées

3- Wúro Báńńíná-dées

Wúro Nyááwu-dées kowúroo ñii weeléeri,
udées sím-wóró né, badasú tá wúro kífáló .
Biiyéle udées bú Sáálifu dókuná na ku suulé-
bíidi dó Kejiká-jó.

Kowurobóóni natúdoozo tum né, Kejiká-jó
ńba waawilu sísti: tigutoluú kegés kúduwó ge.
Buroozí tudánvaariná kowúroo-dées cáadi, káma,
tany sísti: a kowurobóowó wenkí kiidi né, ba-
rína bedés ñii nbulé.

Tóo, anasáará-dées konidé-daá né, Jáama
weegbé bika faránsi né, nge ulé woodó sísti:
lalsedó né, yóóni wsdé, bulé né, báa awení
íkálú búu-daá ikédi kúderewu-daá. Biiyéle
Kejiká-jó ńba woobó basulu Caaváadi wúro
Akpó dídáars bekédi kúderewu-daá lénlé bozu-
waa dó né, ánta, kejiká-jó ńba-dées laadó ge
búu-daá.

Kúboní Agudu waadaa ná kalú búu-daá
ikédi kúderewu-daá, buwóro ge baaganáa waa-
gádu. Biiyéle nebere coóo sísti: ulé weegédé
ná kejiká-jó ńba níbaáwu. Aayí, kúboní Anya

Samíre ge nábáadeserú.

Lizási nasínáázá ge Kejiká-jó:

- Kokowó ge téesi-dés lizóo kúboŋga. Kelé ke-
gés búre ge, kénverii téesi-dés alaafiya-do,
téesu iní kazóo, kidiím alá fási-daá, lurúu
ukóni. Bánlaá kelé nam báa weení. Buga né, kú-
muúsi ge: yawó, liiroó na Kadambara. Silé dudu
sigés bó ge, sínzináa kokowó téesi ferii. Bán-
laá silé kelimbé.

Kejiká-jó, Đikééníwá wenbá badiná téesi
né baasi, đannáa séesi-wá ndi ndi: Níncewá, Nowóo-
wá, Kóólíwá, Đááruwá, Luwóowá, Lááwu-bíya, Més-
lává.

Bándarú Kejiká-jó yidábowa sisi:

- Kekpédéyiwee. (Kejiká-jó nba-dés buwá ge bán-
yáa sisi: kekpédéyi.)

- Telúu na túbúwee. (Túbúu kúboŋdu natúru we ná
telúu kúboŋgu nakúru-daá téesi lawotáa.)

Đoo bujóo caanawó né, a bigés nebére woogóni
sisi: boyóo kejiká-jó nba, túbúu tím tlnlí ge
tidí we, bika bese. Bidés túbúu tím tówe háli
na sinje, a bujóo bujóo, na tukóni tilára ti-
miliná téesi na tidés, amá, tidándím naáru.

Kejiká-jó kúbonáa waawíli sisi: báa nowéya wen-
kí we ná téesi-daá nge tuigóni tilára tímíli,
nowéya kíu kínzú tíŋa ge.

Tóo, wenbí Kejiká-jó cowure kés bi né nblé.

Mogoobíya aláa na abaaláa Tem kalaqáa,
tákaradá kina kígés kúnvulísi dáázá-ḡo ge.
Kínwílíi dáa caanadóm wentí ḡo dájaajaanáa
waalá bi ge dádés tsewólás woózúu susuwúu
né.

Aná, dēnveerim míi sisi: tēēdi ciko ge
dánbuzi dīnmaa. Bilé né, a weení nyi sisi:
wəsná bidés wáfúlúde tēēdi natórv-roozí
né, wánbuzi wkanmaa dáa wentí tirina tiwe
né, bika dūbūzi dīnyóózi dilá nīnāa
tiiganáa dānlám ti né.

Múgoobú Caagbara Sooli Ngoobú.

"Histoire du village de Kejiká-jó".

1ère édition 1er tirage ^{Avril} 1992. (250 expl.)

Imprimé par EDITEM B.P. 171 Sokodé.

N° d'impression 18

Dépôt légal 2ème trimestre 1992.